

KYRKJEBLAD

55. årg.

FOR VAKSDAL PRESTEGJELD

Nr. 3/2001

Innhald:

Det skjer i sumar	side 3
Konfirmantane 2001	side 4
Fitjvasstemne	side 6
Daledagane	side 6
Messe i Messehagen	side 7
Nyttig informasjon	side 8
Stanghelle gravplass	side 9
Leirar i Sætervika	
Musikal	
Familiekoret	side 12
Kven er kyrkja?	
Andakt	side 13
Slekters gang	
Velkomen til kyrkje	side 16



VAKSDAL PRESTEGJELD**Kyrkjekontoret for Vaksdal**

Pb 113, Fabrikkevegen 3

5721 Dalekvam

Tlf. 56 59 39 20 Fax 56 59 39 29

e-post:

kyrkjekontoret@vaksdal-kyrkjer.no

Ekspedisjonstid:

Tysdag og torsdag kl. 09.00-13.30,

onsdag kl. 10.30-13.30

Kyrkjeverje Svein Tøsse,

Tlf. kontor 56 59 39 21

Mobiltlf. 95 97 99 05

e-post:

kyrkjeverja@vaksdal-kyrkjer.no

Sokneprest Frode Kvamsøe

Tlf. kontor 56 59 39 20,

e-post:

soknepresten@vaksdal-kyrkjer.no

Tlf. privat 56 59 73 15

Mobiltlf 90196514

e-post: frode.kvamsøe@c2i.net

Kapellan Edvard Bø

Tlf. kontor 56 59 70 88

Mobiltlf. 90 84 06 24

Fax 85 02 45 70

e-post: kapellanen@vaksdal-kyrkjer.no

Postboks 23, 5725 Vaksdal

Samtale med presten

Prestane står til disposisjon for samtale.

Avtal helst på førehand.

Prestane har teieplikt.

**KYRKJEBLAD FOR
VAKSDAL**

Utgjevar: Sokneråda i Vaksdal

Bladpengar: kr. 100,-

Annonsepris: kr. 3,- pr. sp. mm.

Bankgiro: 3500.07.05800

Bladstyrar:

Stoff kan sendast til Kyrkjekontoret.

Adressa finn de øvst i denne spalta.

Kasserar:

Vaksdal Kyrkjelege Fellesråd,

boks 113, 5721 Dalekvam

Eksp. og trykk:

Øystese Trykkeri A/S, Boks 34

5604 Øystese. Tlf. 56 55 36 50.

Retur til: Kyrkjekontoret for Vaksdal,

Pb. 113, 5721 Dalekvam.

STOFF TIL NESTE NR.må vera kome til Kyrkjekontoret innan
14. august.

Valflesk

Kjent ord?

Til hausten er det stortingsval. Partia har kvar si oppskrift på vegar til velstand og lukke, og løysingane på alle problem er som oftast knytt til bruk og fordeling av "kronasje".

Og medan dei mange kjende ansikta på stortinget lovar krig eller samarbeid seg imellom, går det føre seg eit heilt anna nominasjonsarbeid rundt husnovene her heime i Vaksdal. Mellom dei 4000 medlemmane i Den norske kyrkja i kommunen skal det til hausten veljast nye sokneråd. "Di kyrkje?" står det på dei gule plakatane du finn her og der.

Og kyrkja er di. Kvar kyrkje er sokna sitt ansvar. Og sokna, der er oss. I arbeidet som kyrkjeverje møter eg deg ofte. Du har lyst til at kyrkja skal stå fin og velstelt, nyvaska, nymåla og med lun varme innanfor døra. Du vil ha strødd kyrkjetrappa om vinteren, og finna grusgangar utan ugras om sommaren. Du vil gå i småskor på nyklipte plenar på kyrkjegarden, og sitje på ein god benk. Du vil fortelja barneborna kor du og best'n vart gift. Du kjem til kyrkja di for å starte eller avslutte livet ditt, og finne glede og trøyst. Du håper at konfirmanten får eit godt møte med det kristne arbeidet, og finn fram kimen til eit godt liv. Du har så mykje du kan gje, og dele med andre.

-Og du vil kan hende seie ja når du vert spurd om å stille til val for soknerådet.

Har du lyst til å gje Den norske kyrkja sin "filial" i Vaksdal eit godt - råd?

**SOKNERÅDSVALET 2001**

Soknerådet har ansvar for det som skjer i kyrkjelyden din. Rådet skal vere med å skape ein møtestad for tru, kultur og kvardagsspørsmål. Rådet skal byggje eit trygt fellesskap som er oppe for alle.

I år er det val til sokneråd. Det lokale kyrkjelydskontoret kan gi deg informasjon om kva rådet i kyrkjelyden *din* er oppteke av og korleis det arbeider.



STILL TIL VAL
- og gi kyrkja eit godt råd

DEN NORSKE KYRKJA
www.kirken.no/valg

EI LITA MELDING

Bergen og Midthordland område i Det Norske Misjons-selskap heldt områdestevne med årsmøte på Kvamsseter misjons-senter lørdag 9. juni. Årsmøtet vedtok at Vaksdal prestegjeld frå no av skal vere ein del av Bergen Midt - og Vesthordland område.

DET SKJER I SUMAR

Nabovitjing i Bergsdalen 15. juli.

Kvar sommar brukar kyrkjelyden på Vossestrand å dra på tur for vitje nabokyrkjelydar. Dei har tidlegare vore på Nesheim, og i år er det til Bergsdalen dei vil. Dei startar heimafrå om føremiddagen, og køyrer til Dale for å sjå kyrkja der. Sokneprest deira, John Ove Thaule, er med dei. Fødd og oppvaksen på Dale som han er,

er det berre naturleg at han vil syne dei kyrkja i heimbygda si. Neste stopp vert Bergsdalen kyrkje, der det vert gudsteneste og ein enkel kyrkjekaffi om ettermiddagen. Vonaleg er det mange frå Bergsdalen som vil møte gjestene, men andre er og velkomne til å fylle opp kyrkja!

Dalastemna 15. juli

For fjerde gong vert det i sommar Dalastemna ved Storavatnet på fjellet mellom Eksingedalen og Modalen. Gudstenesta vert ved kapellan Edvard Bø, og tek til kl. 12.30. Frå Modalen går ein opp ved Farestveit, frå Eksingedalen går ein opp frå Flatekval. Det fyrste stykket frå Flatekval er det ganske bratt, men ikkje meir enn at og dei som ikkje er vante turgåarar kan greie det. Erfaringa er likevel at det tek lengre tid enn berekna å gå,

så difor startar gudstenesta noko seinare enn før.

Etter gudstenesta er det matøkt, og innslag av ulik art som tidlegare.

Det vert gudsteneste i Eksingedalen kyrkje kl. 11 dersom veret vert for dårleg til gudsteneste utandørs. Det er høve til å ringe soknerådsleiar Asbjørn Lavik (56 59 58 19) dersom nokon er usikre på om gudstenesta vert på fjellet eller i kyrkja.

Olsok ved Skipshelleren 29.juli

For fyrste gong vil vi i år feire Olsok ved Skipshelleren 29. juli kl.18:00. Der vert det ei fellesgudsteneste for heile Vaksdal prestegjeld. Vi vonar på godt vær, og etter gudstenesta kan folk grille og kose seg nede ved strandlina. Ta sjølv med mat. Vi vil ta det sporty om det kjem ein liten skur, men har og Stamneskyrkja i bakhand.

Vi vil på denne dagen, som i år fell på ein sundag, nytte høvet til å markere kristendomens innføring i landet nettopp på ein slik gamal historisk stad. Her budde det folk allereie på Abrahams tid og seinare då Moses leidde Israelfolket ut or Egypt. Det er viktig å kjenne historia både lokalt og å sjå den i samanhang med resten av verda. Stamnes sokn, kor Skipshelleren høyrer heime, er jo vår eldste kyrkjestad i kommunen.

Olsok feirar vi til minne om Heilag Olav som kristna landet vårt. Sjølve kristningsverket starta med sverdmisjon, noko vi i dag ikkje får til å gå i hop. Det var likevel fyrst ved å verta martyr, at han

sjølv måtte døy for Kristus, at landet vart kristna. Folk kom langvegsfrå i pilgrimsskarer til Nidaros der helgenkongen vart gravlagd. Som helgen vart han eit bilete på Kristus. Likesom Kristus sjølv var Olav



kongen som døydde i Kristi namn for å frelsa folket sitt.

Vi vonar at dette vil bli ei ny og spanande gudsteneste-oppleving. Ver velkomen og ta gjerne med deg nokon. Parkering må ein nok finne

plass til på bae sider av Straumebrua, men for dei som har båt vil dette vere ein fin måte å kome til Skipshelleren på.

KONFIRMANTANE VÅREN 2001

DALE KYRKJE 6. MAI



Framme frå venstre:
Jeanett Sellevold, Linn Vik Indrebø, sokneprest Frode Kvamsøe,
Stine Jakobsen Bjørkheim og Anette Steinsland Boge.

Bak, frå venstre:
Kristoffer Klever,
Rose Kristin Dalseid,
Ole Johnny Carlsen,
Marius Kvamme
Tollefsen, Alexander
Auro Indrebø og
Andreas Søvik
Fossmark.

Midten, frå venstre:
Sol-Kari Terjesen,
Asgeir Hesjedal
Lunde, Stine Iren
Kalsås Faugstad,
Margit Marie
Danielsen Kvamme,
Anette Kvamme, Nils
Adrian Mugaas og
Sandra Rødland

VAKSDAL KYRKJE 6. MAI



Bak, frå venstre:
Alexander Arnesen,
Arne Rugeldal
Sandven, Daniel
Bruvik og Bo Daniel
Rolland.

Midten, frå venstre:
Andreas Jacobsen
Erstad, Linn Tonje
Steinsbø, Hilde
Karoline Hekland og
Espen Hågenvik
Danielsen.

Framme frå venstre:
Hege Erstad, Helene
Marie Gundersen,
kapellan Edvard Bø,
Christine Stanghelle
og Silje Pahlm
Hindenes.

EIDSLAND KAPELL
29. APRIL



Konfirmant May-Linn Tyssebotn Mo og sokneprest Frode Kvamsøe

STAMNES KYRKJE 13. MAI



Bak frå venstre: sokneprest Frode Kvamsøe, Sindre Steinsland, Ole Christian Tøsse og Cato Straume
Framme frå venstre: Tomas Stokke Solhaug, Eirik Straume Normann og Rune Langeland.

"GODT NYTT" EIDSLAND KAPELL 11. FEBR.



Ole André Eikefet og Tonje Tyssebotten Mo saman med kapellan Edvard Bø.

NESHEIM KYRKJE 27. MAI



Bak frå venstre: Åsmund Lavik, kapellan Edvard Bø og Monica Gullbrå.
Framme frå venstre: Winnie Bolstad Eikefet og Anita Furevikstrand.

FITJAVASSTEMNA



Eilert Tøsse, organist i Samnanger spela på fløyte til preludium og postludium. Lyden i ei slik fløyte er mjuk og fin og passa ekstra godt der me sat og merka vinden og sola og høyrde sauebjøller og fuglesong.



I preika snakka han om å verta ny med Jesus. Det er ei meir djuptgripande forandring enn me kan få med vekeblad. Dette får me del i når me kjem til Jesus og let Hans Ande verka i oss. Frammøtet var ikkje så stort, men me som var der kosa oss i sola med medbrakt mat og samtale. Nokre tok seg eit bad i vatnet og andre hadde med fiskestong. Me hadde ei triveleg stund ute i det fri før me tok sekken på ryggen att og gjekk heimover. Dette stemnet har lange tradisjonar. Ein reknar det fyrste stemnet var i 1903. Om to år er det meininga å feira hundreårsjubileum.



Sokneprest Frode Kvamsøe foretta gudstenesta.

DALEDAGANE

Stand i Gatå og open kyrkje var hovudingrediensane i Dale sokneråd si deltaking i Daledagane dette året. I kyrkja var det to minikonsertar, fredag kveld med "Kilden" og laurdag ettermiddag med kantorparet Tone Synnøve og Olav Arne Steinkopf. Laurdag føremiddag var det musikkandakt, og då var biskop Ole D. Hagesæther med. Han var på Dale i samband med Bilist 2000 sitt program, og



det var naturleg at han og var med i eit arrangement i kyrkja. Om lag 75 personar nytta høve til å høyra biskopen, over tre år etter at han sist var i Dale

kyrkje. Utanom desse arrangementa var det høve til berre å sitje ned eller tenne ljøs, og til å gå ei lita Bibelvandring med 12 stasjonar rundt i kyrkjerommet.

Utafor Posten hadde soknerådet stand, og nytt av året heldt eit såkalla partytelt regnet borte frå



plakatane. Samemisjonen sitt Barne- og Ungdomsråd selde brus for å skaffe pengar til hjelpearbeidet på Kola.

I konkurransen til Dale sokneråd, der dei fleste spørsmåla handla om kyrkja på Dale, hadde alle som svarte minst ein feil.

Dei fire som berre hadde ein feil fekk som premie jubileumsskriftet "Kyrkjestaden Dale 100 år". Ingen fekk fyrstepremien, ein bokskjekk på kr. 200.

Dei fire som fekk jubileumsskriftet var:


Eli Leiren, Gudrun Boge Karlsen, Elisabeth Faugstad Gullbrå og Dagny Gilje Antonsen.



Biskop Hagesæther, saman med (frå høgre) vegsjeff Ole Chr Torp, ordførar Øyvind Olsnes, fru vegsjeff Torp og leiar i Bilist 2000, Per Winterstad

MESSE I MESSEHAGEN!

Sundag 17. juni vart det, truleg for fyrste gong, halde gudsteneste i Messehagen på Dale. Vel 50 personar hadde funne vegen dit, og dei fekk med seg ei sjeldan oppleving under høge tre og på nyklypt gras. Sjømannsmisjonen – eller Den norske Sjømannsmisjon- Norsk kirke i utlandet, som er misjonens fulle namn – sto i fokus. Knut Rønnestad frå krinskontoret tok del, og gjennom preik og informasjon gav han tilhøyrarane ord både til latter og til ettertanke. Odd Dyvik, fødd på Starnes og busett på Stanghelle, var og med i gudstenesta og samveret etterpå. Odd har sitt arbeid ved Sjømannsmisjonen sitt hovudkontor i Bergen og har tidlegare arbeidd i sjømannskyrkja i London.



Odd Dyvik og Knut Rønnestad

I mangel av kyrkjeorgel var det elektrisk piano, bassgitar, trommer og blokkfløyte som sytte for tonefylgje under gudstenesta. Ein stor grill sto klar etter gudstenesta, slik at dei som ville kunne grille seg ein matbete. Vaflar og Sjømannsmisjonen høyrer uløseleg saman, slik var det og i Messehagen. I tillegg var kaffi og brus innan rekkjevidde.



Trivselen såg ut til å vere stor hjå dei som var samla, og truleg vert det høve neste år for dei som gjekk glipp av hendinga.

INFORMASJON FRÅ KYRKJEVERJA

Innbetaling av festeavgift

Det vert i desse dagar sendt ut rekningar på festeavgift for graver. Avgifta er kr 200,- for ti år.

Arbeidet med registrering av festarar til gamle og nye graver er omfattande, og det vil enno ta lang tid før me har full oversikt over alle gravene og kven dei høyrer til. Ta kontakt med kyrkjekontoret dersom de meiner at rekninga ikkje er sendt til rette vedkommande, slik at me får dei rette opplysningane.

Me vil oppmode alle som har ansvar for graver som er eldre enn 20 år til å ta kontakt dersom de ikkje har fått rekning innan august i år.

Kantklipping på kyrkjegardane

Grunna stram økonomi vil det i år verte redusert vedlikehald på kyrkjegardane på Dale, Vaksdal og Stanghelle. Plenane vert slått etter trong, men kantklippinga og slått rundt gravminna vil verte utført 2- 3 gongar i sommar. Det kan difor i periodar sjå litt ruskete ut, men me vil ta oss av det så godt me kan.

Eg nyttar høvet til å minne om at det framleis er mange som set frå seg sylteglas og liknande bak gravminna, og desse vert ofte knuste og kan skade dei som arbeider eller ferdast på kyrkjegarden.

Gravstellordninga

Ordninga der ein kan tinge stell av graver har vorte godt motteken. Ordninga er lagt opp som eit tilbod til dei som ikkje har høve til å stelle gravene sjølv, og der ein kan tinge gravstell mot ei betaling. Betalinga dekkjer blomar, planting, vatning og vedlikehald. Festaren vil få melding dersom det er trong for vedlikehald på sjølve gravminnet, med reingjering, oppretting og reparasjonar. Slikt arbeid kan utførast etter ynskje.

Sortering av avfall på kyrkjegardane

Etter at Geitebotn avfallsplass vart stengt, må alt blanda avfall frå kyrkjegardane leverast til BIR. Kostnadene er knytt til vekta på avfallet, og utgjorde i fjor om lag kr 10 000. Det skal etterkvart skaffast nye avfallsbeholdarar til kyrkjegardane, der ein har høve til å skilje mellom komposterbart avfall og anna.

Gamle gravminner

Når det vert nytta gamle graver til ny gravlegging, kan gravminnet ofte ikkje nyttast lengre.

Dei ansvarlege for grava eig gravminnet, og har ansvaret for å fjerne det frå kyrkjegarden. Kyrkjeverja kan likevel syta for bortkøyring om det vert gjeve melding til kyrkjekontoret.

Visste du at...

Det er reglar for storleik og utforming av gravminne? Mellom anna må breidda vere under 85 cm, vekta under 300 kg, og det skal vere sikra til fundamentet med 2 boltar. I tillegg er det grenser for storleiken på blomebedet. Det skal ikkje vere breiare enn gravminnet, og ikkje gå lengre fram enn 60 cm målt frå baksida av gravminnet. Nokre stader i landet er det ikkje lov å nytte plater rundt blomebedet, og gravlykter Gravminneleverandørane våre har fått melding om at det er berre tillete med gravlykter som lett kan fjernast frå gravminnet. Dette fordi dei kan verte skadde ved arbeid på kyrkjegarden som krev flytting av gravminnet.

Kyrkjeverja kan etter lova fjerne gravminne som ikkje er godkjente.

GODKJENDE LEVERANDØRAR AV GRAVMINNE

Desse leverandørane er godkjende for levering av gravminne. Alle gravminne må vera innafør forskriftene i gravferdsloven.

Dei fleste leverandørane har lokale kontaktpersonar.

Åsane stein AS
Sæthre stenindustri AS
Kjøl Stenindustri
Øien steinhuggeri
Brødrene Strand Stenhuggeri AS
Decoform Gravmonumenter AS
Eikner Naturstein AS

Alle andre leverandørar pliktar å søkje om godkjenning for kvart einskild gravminne fram til at gravminnekatalogen er godkjent. Godkjenningar i andre kommunar gjev ikkje automatisk godkjenning i Vaksdal.

STANGHELLE GRAVPLASS

Gravferdsloven av 1996, §2. Krav til kirkegårder.

"I hver kommune skal det være en eller flere kirkegårder av en slik størrelse at det til enhver tid er ledige graver for minst 3% av kommunens befolkning. Kirkegård skal i alminnelighet anlegges i hvert sogn og i nærheten av en kirke."...

I denne lovteksten ligg det mykje arbeid, og mange skattekroner. Gravferdslova viser kor mange ledige graver ein skal ha i høve til innbyggjartalet, "til enhver tid".

I tettbygde strøk kan ein ikkje rekne med å utvide gravplassane kvar gong det minkar på plassen. Festetida må reduserast, slik at ein ikkje utan vidare kan feste graver som er eldre enn 70, 60 eller 50 år. Etter ei tid vil talet på frigjorte gamle graver balansere med behovet for nye graver, og kapasiteten på gravplassen kjem i "balanse". Det vert arbeidd for at festetidene for dei ymse kyrkjegardane i kommunen vert tilpassa dette, slik at ein reduserer behovet for nye utvidingar.

Dale gravplass

Gravplassen på Dale har hatt fleire utvidingar opp gjennom tidene. Etter den siste utvidinga i 1983 såg ein for seg at det ikkje ville vere aktuelt med nye utvidingar på ei stund. I dag ser ein at den siste store gravfeltet byrja verte fullt, og det er snart trong for meir areal.

Eg reknar med at dei fleste som bur på Dale etter kvart kjem til å verte gravlagde på Dale gravplass. I tillegg kjem dei som i dag bur på Stanghelle, men som har røter frå Dale og har ansvar for graver her.

Ut frå folketala bur det i dag om lag 1200 personar på Dale, og etter lova skal det vere 36 ledige graver. Det er 28 heilt ledige graver, og om lag 160 som er festa. Dersom ein ikkje nyttar om att gamle graver vil gravplassen verte for liten innan 10 – 15 år. Det er difor sett i gang arbeid med å ta kontakt med festarane slik at ein får frigjort graver for gjenbruk.

Stanghelle gravplass

Stanghelle har den minste gravplassen i kommunen, med totalt 260 graver. Dei siste 20 åra har folketalet i bygda auka til om lag 830 personar. Dette krev ein gravplass med minst 25 ledige graver, og i dag er det berre nokre få festa graver att. Utviding av gravplassen på Stanghelle har vore sak sidan 1978. I 1983 vart reguleringsplanen vedteken, og i år ligg planane for ei utviding til handsaming hjå kommunen og hjå biskopen.

Utvidinga er avgrensa av kommunale og private eigedomar, og av E16 og jernbana. Innanfor desse grensene har landskapsarkitekt Frode Pedersen utarbeidd planar for utvidinga. Utbygginga er delt i tre område. Del A går ut på å heve den nedste delen av den eksisterande plassen, slik at ein får retta opp rekkjene og lette drifta. Dette vil frigjere om lag 20 graver for ny gravlegging, ved omregulering av festa graver.

Del B tek for seg den nye øvre delen, og del C den største delen av utvidinga, med ny hovudinngang. Til saman vil utvidinga gje 110 – 120 nye graver, der dei fleste kan nyttast til gravlegging i to nivå. Dersom planane vert godkjente, vil det til saman verte nær ei dobling av den totale kapasiteten på gravplassen.

Teikningane på dei neste sidene viser utvidinga nord for den eksisterande gravplassen.

Området er lite og bratt, men etter vona skal gravplassen få eit heilt anna preg enn i dag.

Den nye delen ligg meir skjerma i høve til jernbana enn den noverande.

Alle felta på kyrkjegarden skal kunna nåast av rullestolbrukarar.

Dersom du ynskjer meir informasjon om gravplassen og utvidinga, kan du ta kontakt med kyrkjeverje Svein Tøsse på kyrkjekontoret

Stanghelle gravplass, utviding.

Til venstre: Snitt gjennom plassen

Neste side: Plan for utvidinga

Det kan verte endringar i utforminga dersom kyrkjegardskonsulenten har merknader.


Kostnadene for utvidinga er førebels rekna til om lag kr 2 100 000,-. der kvar av dei 3 delområda kostar om lag ein tredel av totalsummen.

Delområde A er heving og omregulering av den gamle gravplassen. Delområde B er dei øvste gravfelta på plassen. Delområde C er den største nye delen, med ny hovudinngang.

Arbeidet med det fyrste delområdet vil omfatte borttransport og lagring av alle gravminna nedst på den gamle gravplassen. Det skal byggjast ny støttemur, og fyllast opp om lag 80 cm. Gravminna kjem på plass att når grasbakken er grodd til.

Det vil verte sendt ut varsel i god tid til alle som har ansvar for graver på plassen. Under anleggsperioden vert det ikkje utan vidare tilgang til gravplassen, og det kan i periodar verte vanskeleg å gjennomføre gravferder.





EKSISTERENDE VEGETASJON

BARNEHAGE

BOLIG

EKSISTERENDE KIRKEGÅRD

Haldorbrekka

NSB JERNBANELINJE

3. NYE HÅNTERINGSMIDLER
I STIK OG HØLDEBOK

NYTT TUK

4. PØSLENNGÅRDEN
I STIK OG HØLDEBOK

SVEITTELEGGI DIVERSE EN-BLÅSS MED PØSLENNGÅRDEN
I STIK OG HØLDEBOK

NYTT TUK
I STIK OG HØLDEBOK

LEIRAR I SÆTERVIKA

Om sumaren reiser mange på leir. Der kan ein få nye vener, og det er mange ulike aktivitetar. Kvar dag får ein høyra om Jesus og misjon.

Sætervika leirplass ligg fint til ved Samnangerfjorden, med gode høve for bading og båtliv. I tillegg er det natursti, trampoline og høve til ballspel og andre aktivitetar ute og inne.

For dei som er skal byrja i 8., 9., eller 10. klasse er det to sommartreff. Der samlast ungdom frå heile landet. Dei treffa er

25. – 29. juni, i Drottningborg, Grimstad og

25. – 29. juni på Kongshaug Musikk-gymnas, Os.

Om de vil melda dykk på eller ynskjer fleire opplysningar om leirane eller sommartreffa tek de kontakt med:

Leirar denne sumaren:

Type	dato	alder	pris
Ferie-leir	25.6.–29.6.	9-12 år	kr 580,-
Leir	29.6.– 2.7.	8-10 år	kr 450,-
Leir	2.7.– 5.7.	10-12 år	kr 475,-
Aktivi-tetsleir	30.7. – 3.8.	12-14 å	kr 670,-
Genera-sjonsleir	3.8.– 6.8.		kr 300,-/ 570,-
Ferieleir	6.8.–10.8.	10-14 år	kr 600,-
Leir	10.8.–12.8.	7-10 år	kr 335,-

Norsk Luthersk Misjonssamband

Sydneskleiven 22, 5010 Bergen E-post:

post@bergen.nlm.no

Fax: 55 90 48 10 Tlf: 55 90 48 00

MUSIKAL

Til hausten vert det sett opp ein musikal. Tittelen er "Rykte om englar" med tekst og musikk av Graham Kendrick. Teksten er oversett til nynorsk av Hans Johan Sagrusten. Dette er ikkje ein "ordentleg" musikal, men det er nærliggande å bruke omgrepet ut i frå musikktypen og opplegget. Konfirmantane skal få ha dette som ein del av sitt konfirmantopplegg

samstundes som det er ope for andre som kan tenkje seg å vere med.

Prosjektet vil gå over ca ein månad og framføringsdatoen er **24. november**.

Merk dykk datoen allereie!

Temaet er julebodskapen, kledd i ei ny drakt. Det er eit spennande prosjekt som ein håper mange vil slutte opp om.

ALLE SONGGLADE SJÅ HER!

Vaksdal familiekor startar oppatt etter sommarferien med øvingar torsdag 23. august. Øvingane er på Dale bedehus annakvar torsdag kl 17.30 til 18.30. Ein gong i månaden vert øvinga avslutta med noko å bite i (bollar og kakao el). Då held ein fram til kl 19.00.

Vaksdal familiekor ynskjer å vere ein møtestad for born, unge, vaksne og familiar frå heile kommunen. Familiekoeret er eit kristent kor, men ynskjer å halde ein lav terskel slik at alle kan kjenne seg heime. Anne Lise Vaksdal er dirigent, Olav Arne Steinkopf er pianist og Kristi Kvamsøe er leiar i koeret.

Alle interesserte er velkomne til å vere med. For meir informasjon kan ein kontakte leiar Kristi Kvamsøe på tlf 56 59 73 15.

Kva er kyrkja? Kven er kyrkjelyden?

Kyrkja er for alle menneske som ynskjer å vera ein del av henne. Kyrkjelyden er alle medlemmane av Den norske kyrkja som bur innanfor grensene til kyrkjelyden. Kyrkjelyden er sett saman av barn, unge, vaksne og eldre.

I kyrkja blir det halde gudsteneste, barnedåp, konfirmasjon, bryllaup og gravferd. Dette er viktige delar av kyrkja sitt arbeid. Men kyrkja er også mykje meir – og den lokale kyrkjelyden din er mykje meir. Kyrkjelyden skal vere eit trygt

fellesskap med opne relasjonar, slik at han blir ein møtestad for tru, kultur og kvardagsspørsmål. Di lokale kyrkje skal vere med på å bygge nettverk i lokalsamfunnet. Ho skal gi menneske ein stad å høyre til og fellesskap. Kyrkja skal ha rom for menneske som vil gi av tida si for andre, og for menneske som mest av alt treng å ta imot.

Soknerådet har eit ansvar for det som skjer i kyrkjelyden, og skal vere med på å skape ei levande kyrkje som er open for alle.

GOD PRIORITERING

- Søk fyrst Guds rike og hans rettferd,... Matteus 6,33

Han er død no, men var i god forstand ein original arbeidar i kyrkja. Stundom uttrykte han det å vere kristen slik: - Gud er ein underleg herre. Vi tener han ikkje. Han tener oss!

Saman med andaktsordet i dag seier Jesus: "Ver ikkje ottefulle!" Med orda frå mannen som vart sitert, ville det lyde slik: - Ver ikkje ottefull, du Guds barn, Herren er tenar for deg! Ved å søkje Guds rike fyrst, får vi del i Jesu teneste. Han sa at han var ikkje komen for

å tenast, men for å tena og gje livet sitt til løysepeng for mange (Markus 10,45)

Den menneskelege tanken vender ofte rundt på løyndomane i Guds rike. Vi spør gjerne kor mykje vi sjølv må gjere for å kunne erfare Guds signing. Evangeliet seier: Velsigninga ligg i å vandre i Gud sine gjerningar, det som er gjort ferdig for oss.

Audun Mosevoll, KPK



KORLEIS HAR DU
DET
eigentleg?

KIRKENS SOS

815 33 300

EIT MENNESKE Å SNAKKA MED
NÅR LIVET ER SOM VERST

**Kirkens SOS svarer nå også på
epost; www.kirkens-sos.no**

For nærare informasjon sjå nettsidene
våre: www.kirkens-sos.no.



**Dersom du skal til utlandet i
år, kanskje skulle du teke ein
tur innom ei sjømannskyrkje?**

Det er sjømannskyrkjer i dei aller fleste land i Europa og i USA og nokre andre land i verda. Der kan du mellom anna lesa norske aviser, slappa av, og gå til gudsteneste. Ein kan nok tenkje som så at når ein er i utlandet så skal ein oppleve det som det landet har å by på. Det er riktig, men dei som jobber på sjømannskyrkjene kan og fortelja deg om stader du bør vitja i det landet du er, og dei veit kvar du må henvenda deg om du skulle ha problem med noko.

Viss du dreg forbi ei sjømannskyrkje, så ikkje gjer det, som Knut Rønnestad sa i Messehagen

INVITER VERDA HEIM I STOVA!

Youth For Understanding er ein internasjonalt utvekslingsorganisasjon. Kvart år reiser 150 norske ungdommar på utveksling over heile verda med YFU. Samstundes kjem omlag 50 ungdommar frå meir enn 15 land i verda til Noreg for å vera her ein sommar eller eit år. Dei er her for å læra å kjenna kulturen, menneska og språket. For dei er Noreg eit svært eksotisk land. Alle bur i friviljuge vertsfamiliar, og dei går på vanleg vidaregåande skule. Organisasjonen følgjer opp elevane gjennom heile året. Ein treng ikkje ha eigne born for å vera vertsfamilie, så lenge ein har hjarterom og husrom og er viljuge til å opna heimen sin for ein utanlandsk ungdom.

Dersom nokon ønskjer informasjon om å vera vertsfamilie kan du kontakte YFU's hovudkontor i Oslo på telefon 22 69 81 80 eller e-mail: post@yfu.no. De kan og gå inn på YFU's heimeside: www.yfu.org. eller heimesida til ein av dei amerikanske elevane som er i Noreg i år, www.jasonfbaker.com.



INTERNETT

På www.kirken.no finn du kyrkja si offisielle heimeside, og på www.kirken.no/bjorgvin kjem du direkte til vårt bispedøme. www.gospelsearch.no kan og vere ein stad å byrje, om du ynskjer stoff om kyrkje- og kristenliv.

Vil du lese Bibelen på skjermen. finn du han på www.bibelen.no.

Avisa Vårt Land finn du på www.vartland.no.

Kapellan Bård-Egil Dyrhol flytta i haust frå Vaksdal til Skåre menighet ved Haugesund. Skåre menighet si heimeside er home.online.no/~skaarebu

KYRKJESTADEN

DALE 100 ÅR

Jubileumsskrift

Boka er innbunde, med mykje biletstoff både i svart/kvit og i fargar og er til sals for:

kr. 50,-

**hjá Petersen & Ypsøy
og på Kyrkjekontoret.**

**Boka kan tingast frå
Kyrkjekontoret, Boks 113,
5721 Dalekvam .
Tlf. 56 59 39 20**



Benoni, Lundehundkvalp, Vaksdalsgarden 10, klar til å utforske verda.

ALT I KJØKKENINREDNING
BAD - SKYVEDØRSGARDEROBE
SNEKKERVERKSTED

SNEKKER
KJELL NYSTED

56 59 74 72

Mobil: 977 36 590

Snittar * Koldtbord * Begravelses-sammenkomster
* Overtidsmat * Møtelokale * Video * Stor-kiosk
Fast-food * Pizza * Musikk * Verksted * Dekk



Dalegarden Nord, 5722 Dalekvam.

Tlf. 56 59 67 36 - Fax: 56 59 67 75 - E-mail kaajo@online.no

Nye Dale



Boks 12, 5721 DALEKVAM

Tlf. 56 59 40 40

Din lokale leverandør av snitter, koldtbord,
middag og pizza til alle anledninger.



Dalehallen, Tlf 56 59 64 44

Har du lyst til å fornye deg?

Vi hjelper deg med ny klipp, hårfarge og make-up.

- Kosmetikk

- Hull i ørene

- Brudepynting

- Fjerning av uønsket hår
- Hair extensions (sveising)

Trelast og byggevarer



Tlf. 56 59 66 90 Faks 56 59 68 70
Dalegarden, 5722 Dalekvam

COOP Hordaland BA
marked

Avd. 405 Dale

5721 Dalekvam

Tlf.: 56 59 60 57

Meir tid til det som er viktig

Med NettBank kan du utføre
dine banktenester sjølv via internett

SpareBank **1** Vest

Tlf. 815 22 002 www.spv.no

SPAR  DALE

DALE MATSENTER

Pb. 163, 5701 Voss

tlf. 56 59 62 23

faks. 56 59 67 61

Dei smarte sparar tid & peng.

COOP
marked

VAKSDAL SENTER

5725 Vaksdal

Tlf.: 56 59 46 61



PETERSEN & YPSØY

Dalekvam A/S

Bokhandel - Steintøy - Kiosk - Foto

Konsul Jepsensgt. 4

Telefon: 56 59 61 58 - Faks: 56 59 67 66

F **FRI BOKHANDEL BA**
Frie bokhandlere for fantasi og felleenskap

**SLEKTERS
GANG****DØYPTE****DALE**

- 08.04. William Helle Hestad
Irmelin Trengereid Hop
Michelle Johnsen Fenne
- 06.05. Amalie Beseth
- 27.05. Martine Olsen Tveterås
Henry Eneberg Nord

STAMNES

- 13.05. Alfred Thunestveit

VAKSDAL

- 04.06. Frida Takvam Sæterdal
Døyp i Takvam kapell
- 24.06. Johan Stanghelle

EKSINGEDALEN

- 13.05. Njål Stamnes Nese

NESHEIM

- 28.03. Jorill Nese
- 08.04. Mona Gullbrå
- 27.05. Sondre Nese Waldron

VIGDE**BERGSDALEN**

- 02.06. Liv Jane Paulsen og
Thor Andersen

VAKSDAL

- 23.06. Solfrid Karlsen og Kjartan Dale

AVLIDNE**DALE**

- 15.05. Olaus Krogsrud, f. 1929
- 18.05. Mathilde Hille, f. 1920
- 27.05. Birgith Kvamme, f. 1917
- 11.06. Olav Eide, f. 1919

VAKSDAL

- 10.05. Mariann D. Ringdal, f. 1972
- 17.05. Bernhard A. Knutsen, f. 1928
- 19.05. Hermann J. Litangen, f. 1919

STAMNES

- 05.03. Arthur Jakobsen, f. 1914
- 29.03. Julie Marie Elvick, f. 1901
- 02.04. Agnes Stamnes, f. 1925
- 25.04. Trygve Mostrau, f. 1923
- 19.05. Audun Jon Elvik, f. 1932

EKSINGEDALEN

- 21.06. Sigurd Vetlejord, f. 1907

**VELKOMEN
TIL KYRKJE****VAKSDAL KYRKJE**

- 8. juli kl. 11.00.** Høgmesse.
Nattverd. Kvamsøe.
- 29. juli kl. 11.00.** Høgmesse. Bø.
- 19. aug. kl. 11.00.** Høgmesse.
Nattverd. Kvamsøe.
- 2. sept. kl. 18.00.**
Familiegudsteneste.
Konfirmantpresentasjon. Bø.

DALE KYRKJE

- 1. juli kl. 19.00.** Høgmesse.
Nattverd. Kvamsøe.
- 22. juli kl. 11.00.** Høgmesse.
Nattverd. Bø.
- 5. aug. kl. 11.00.** Høgmesse.
Nattverd. Bø.
- 26. aug. kl. 18.00.**
Familiegudsteneste.
Konfirmantpresentasjon.
Kvamsøe.

STAMNES KYRKJE

- 8. juli kl. 19.00.** Høgmesse.
Nattverd. Kvamsøe.
- 29. juli kl. 18.00.**
SKIPSHELLEREN
Olsokgudsteneste. Bø.
- 26. aug. kl. 17.00.**
Familiegudsteneste.
Konfirmantpresentasjon. Bø.

BERGSDALEN**KYRKJE**

- 15. juli kl. 11.00.**
Høgmesse. Thaule.
Vitjing av kyrkjelyden
frå Vossestrand.
- 2. sept. kl. 11.00.**
Søndagsskulens Dag.
Familiegudsteneste.
Kvamsøe.

EIDSLAND KAPELL

- 12. aug. kl. 11.00.**
Høgmesse. Nattverd.
Kvamsøe.
- 23. sept. kl. 11.00.**
Høgmesse.
Konfirmant-
presentasjon. Bø.

EKSINGEDALEN**KYRKJE**

- 15. juli kl. 12.30.**
Dalastemne. Bø.
- 12. aug. kl. 11.00**
Høgmesse. Nattverd.
Kvamsøe.

NESHEIM KYRKJE

- 1. juli kl. 11.00.**
Høgmesse. Nattverd.
Kvamsøe.
- 5. aug. kl. 16.00.**
Høgmesse. Nattverd.
Bø.

**VIKTIG
MELDING!**

Det er viktig at de ser etter i lokalavisene og på plakatar for å kontrollere m.a. klokkeslett for gudstenestene.